



Broj: 01-50-1-15-12/23

Sarajevo, 31. 10. 2023.

ZAPISNIK

23-11-2023

**12. sjednice Predstavničkog doma
Parlamentarne skupštine Bosne i Hercegovine,
održane 31. 10. 2023.**

Sjednica je počela u 12. 30 sati. Prisustvovalo je 39 poslanika.

Odsustvovali su: Obren Petrović, Aida Baručija i Denijal Tulumović.

Sjednici su prisustvovali i: predsjedavajuća Vijeća ministara BiH Borjana Krišto i zamjenik ministra pravde BiH Elvir Mahmuzić.

Sjednicu su pratili predstavnici Pravobranilaštva BiH i Ureda za reviziju institucija BiH, iz međunarodnih organizacija sjednicu su pratili predstavnici OSCE-a i Vijeća Evrope, te predstavnici Ambasade Republike Hrvatske u Bosni i Hercegovini.

Predsjedavajući je rekao da će, u skladu s članom 167. Poslovnika, na početku sjednice, prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavio je:

- **Jasmin Emrić** – ministru pravde BiH.

Najava je, u skladu s članom 168. stav (2) Poslovnika, dostavljena predsjedavajućoj Vijeća ministara BiH i onom članu Vijeća ministara BiH na koga se pitanje odnosi. Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenog pitanja je sljedeći: ¹

¹ Sadržaj pitanja preuzet je iz neautoriziranog transkripta 12. sjednice Predstavničkog doma.

Jasmin Emrić

„Već duži vremenski period državljani BiH koji rade u Republici Sloveniji negoduju zbog toga što naša država još uvijek nije s Republikom Slovenijom uspostavila reciprocitet u vezi sa stjecanjem prava vlasništva nad nekretninama. U ovoj temi radi se o tome da naši građani koji su državljani BiH, a koji rade i privremeno borave u Republici Sloveniji prilikom kupovine nekretnine u Sloveniji, zemljišta, stana ili kuće, ne mogu provesti postupak knjiženja vlasništva nad tim nekretninama jer između BiH i Republike Slovenije nije potpisan sporazum o reciprocitetu. Kako su me informirali građani koji imaju problem nemogućnosti knjiženja vlasništva nad kupljenim nekretninama u Republici Sloveniji, slovenske vlasti su spremne da se postigne sporazum o reciprocitetu, te navode da je zastoj i sporost u rješavanju ovog problema isključivo odgovornost državnih vlasti BiH. U tom kontekstu ih upućuju da se obrate nadležnim institucijama BiH i da traže informaciju o tome zašto još uvijek nije postignut sporazum o reciprocitetu, te koje su prepreke da se omogući obostrano stjecanje vlasništva na nekretninama. Budući da sam i ja dobio slična pitanja od naših građana, te nastojeći aktuelizirati ovu temu, postavljam pitanje predstavniku Ministarstva pravde BiH, odnosno ministru pravde BiH: U kojoj fazi je postupak postizanja sporazuma između BiH i Republike Slovenije o uspostavi reciprociteta u vezi sa stjecanjem prava vlasništva na nekretninama, te da li Ministarstvo planira i kada bi mogli očekivati postizanje ili ratifikaciju tog sporazuma?“

Odgovor na pitanje dao je zamjenik ministra pravde BiH Elvir Mahmuzić. Jasmin Emrić je komentirao dobiveni odgovor te je zatražio njegovo dostavljanje i u pisanoj formi.

Predsjedavajući je, povodom utvrđivanja dnevnog reda, rekao sljedeće:

Dodate su:

- **Tačka 3.** - Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanici Milan Dunović, Zlatan Begić i Vlatko Glavaš, sa zahtjevom za razmatranje Prijedloga zakona po hitnom postupku, u skladu s članom 133. Poslovnika, broj: 01-02-1-2192/23 od 18. 10. 2023,
- **Tačka 13.** - Prijedlog rezolucije o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji, predlagač: Kolegij Predstavničkog doma Parlamentarne skupštine BiH, broj: 01-02-2-2276/23 od 31. 10. 2023;
- **Tačka 15.** – Poslanička inicijativa Šerifa Špage, broj: 01-50-1-2249/23 od 27. 10. 2023.

- **Tačka 16.** - Prijedlog zaključka o osnivanju privremene istražne komisije u vezi s iznošenjem obavještajnih podataka ministra odbrane BiH Zukana Heleza, predlagač: poslanici Sanja Vulić i Milorad Kojić, akt broj: 01-50-1-2113-1/23 od 12. 10. 2023.

S dnevnog reda, na zahtjev Komisije za finansije i budžet, skinute su ranije:

- **Tačka 7.** - Godišnji revizorski izvještaj o glavnim nalazima i preporukama za 2022. godinu, podnosilac: Ured za reviziju institucija BiH, broj: 01-16-9-2036/23 od 21. 9. 2023. i
- **Tačka 8.** - Izvještaji Ureda za reviziju institucija BiH o finansijskoj reviziji institucija BiH za 2022. godinu.

U raspravi o dnevnom redu učestvovali su: Milan Dunović, Safet Kešo, Šemsudin Mehmedović, Branislav Borenović, Midhat Čaušević i Mladen Bosić.

Milan Dunović predložio je dopunu dnevnog reda tačkom: Odluka o razrješenju poslanika Marinka Čavare s dužnosti predsjedavajućeg Predstavničkog doma Parlamentarne skupštine BiH – člana Kolegija Predstavničkog doma, predlagač: poslanici Darko Babalj, Milan Dunović, Jasmin Emrić, Šerif Špago, Mira Pekić, Vlatko Glavaš, Elvisa Hodžić, Edin Ramić, Mladen Bosić, Zlatan Begić, Šemsudin Dedić, Midhat Čaušević, Branislav Borenović, Denijal Tulumović, Šemsudin Mehmedović, Nenad Grković, Nermin Mandra, Amor Mašović i Safet Kešo, broj: 01-50-1-2275/23 od 31. 10. 2023.

Safet Kešo predložio je dopunu dnevnog reda tačkom: Prijedlog zaključka Predstavničkog doma Parlamentarne skupštine BiH o dodjeli 1.000.000 KM humanitarne pomoći stanovnicima Gaze iz Budžeta institucija Bosne i Hercegovine, broj: 01-50-1-2277/23 od 31. 10. 2023.

Prijedlog Milana Dunovića nije prihvaćen – “za” je glasalo 17 poslanika (iz Federacije BiH 11, iz Republike Srpske šest), “protiv” 18, “suzdržana” tri.

“Za” prijedlog Safeta Keše glasalo je 26 poslanika (iz Federacije BiH 22, iz Republike Srpske četiri), “protiv” šest, “suzdržanih” šest. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu Safeta Keše za dopunu dnevnog reda.

Predsjedavajući je konstatirao da 12. sjednica Predstavničkog doma Parlamentarne skupštine BiH;

DNEVNI RED

1. Usvajanje zapisnika 11. i 7. hitne sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanici Milan Dunović, Zlatan Begić i Vlatko Glavaš, sa zahtjevom za razmatranje Prijedloga zakona po hitnom postupku, u skladu s članom 133. Poslovnika, broj: 01-02-1-2192/23 od 18. 10. 2023;
4. Izvještaj komisije Klegija o nastojanju za postizanje saglasnosti o Prijedlogu zakona o vanjskim poslovima Bosne i Hercegovine, predlagač: Vijeće ministara BiH, broj: 01,02-02-1-1786/23 od 26. 9. 2023. (zakon u prvom čitanju);
5. Izvještaj komisije Klegija o nastojanju za postizanje saglasnosti o Prijedlogu zakona o zaključivanju i izvršavanju međunarodnih ugovora, predlagač: Vijeće ministara BiH, broj: 01,02-02-1-1793/23 od 26. 9. 2023. (zakon u prvom čitanju);
6. Izvještaj komisije Klegija o nastojanju za postizanje saglasnosti o Prijedlogu zaključaka poslanika Jasmina Emrića povodom rasprave o interpelaciji poslanika: Šerifa Špage, Edina Ramića, Midhata Čauševića, Šemsudina Dedića, Safeta Keše, Nermina Mandre, Amora Mašovića, Šemsudina Mehmedovića, Denijala Tulumovića, Milana Dunovića, Vlatka Glavaša, Zlatana Begića, Jasmina Emrića i Elvise Hodžić, broj: 01-50-1-1840/23 od 26. 9. 2023;
7. Izvještaj komisije Klegija o nastojanju za postizanje saglasnosti o poslaničkoj inicijativi Aide Baručije, Sabine Ćudić i Predraga Kojovića, broj: 01-50-1-1910/23 od 26. 9. 2023;
8. Izvještaj o finansijskoj reviziji izvršenja budžeta institucija Bosne i Hercegovine za 2022. godinu, podnosilac: Ured za reviziju institucija BiH, broj: 01-16-9-2037/23 od 21. 9. 2023;
9. Izvještaj o izvršenju Budžeta institucija BiH i međunarodnih obaveza BiH za 2022. godinu, podnosilac: Predsjedništvo BiH, broj: 01,02-16-1-1768/23 od 7. 8. 2023;
10. Izvještaj o radu Ureda za razmatranje žalbi Bosne i Hercegovine za 2022. godinu, broj: 01,02-50-18-1942/23 od 7. 9. 2023;
11. Izvještaj o radu Pravobranilaštva BiH za 2022. godinu, broj: 01,02-50-18-1986/23 od 15. 9. 2023;
12. Informacija o stanju u oblasti migracija u Bosni i Hercegovini za prvih šest mjeseci 2023. godine, podnosilac: Ministarstvo sigurnosti BiH, broj: 01-50-18-2042/23 od 22. 9. 2023;
13. Prijedlog rezolucije o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji, predlagač: Klegij Predstavničkog doma Parlamentarne skupštine BiH, broj: 01-02-2-2276/23 od 31. 10. 2023;
14. Poslanička inicijativa Nihada Omerovića, broj: 01-50-1-1992/23 od 15. 9. 2023;
15. Poslanička inicijativa Šerifa Špage, broj: 01-50-1-2249/23 od 27. 10. 2023;

16. Prijedlog zaključka o osnivanju privremene istražne komisije u vezi sa iznošenjem obavještajnih podataka ministra odbrane Zukana Heleza, predlagač: poslanici Sanja Vulić i Milorad Kojić, akt broj: 01-50-1-2113-1/23 od 12. 10. 2023;
17. Davanje saglasnosti za ratifikaciju Sporazuma o priznavanju stručnih kvalifikacija doktora medicine, doktora dentalne medicine i arhitekata u kontekstu Centralnoevropskog sporazuma o slobodnoj trgovini, broj: 01,02-21-1-2103/23 od 2. 10. 2023;
18. Davanje saglasnosti za ratifikaciju Sporazuma o priznavanju visokoškolskih kvalifikacija na Zapadnom Balkanu, broj: 01,02-21-1-2104/23 od 2. 10. 2023;
19. Davanje saglasnosti za ratifikaciju Ugovora o finansiranju zaključen između Bosne i Hercegovine, Republike Srpske i Evropske investicione banke (Projekat medicinskog kompleksa Banja Luka), Evropski fond za održivi razvoj – EFSD + Namjenski investicioni okvir 1(FI N° 91.071 – SERAPIS 2019-0319), broj: 01,02-21-1-2102/23 od 2. 10. 2023;
20. Davanje saglasnosti za ratifikaciju Sporazuma o investicionom grantu za podršku Projektu vodosnabdijevanja i sanitacije u Bosni i Hercegovini u okviru Instrumenta pretpristupne pomoći (IPA II) između Bosne i Hercegovine i Evropske investicione banke, broj: 01,02-21-1-2105/23 od 2. 10. 2023;
21. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M14.1 (BiH)/DC 214 (RH), broj: 01,02-21-1-2141/23 od 6. 10. 2023.

Ad. 1. Usvajanje zapisnikâ 11. i 7. hitne sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 11. sjednice Predstavničkog doma usvojen je s 34 glasa „za“ (iz Federacije BiH 23, iz Republike Srpske 11), jednim „protiv“ i četiri glasa „suzdržan“.

Zapisnik 7. hitne sjednice Predstavničkog doma usvojen je s 36 glasova „za“ (iz Federacije BiH 25, iz Republike Srpske 11), jednim „protiv“ i dva glasa „suzdržan“.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Doma pitanja i inicijative u pisanoj formi postavili su poslanici:

- Saša Magazinović – postavio 89 pitanja i zatražio upućivanje urgencija za dostavu odgovora,
- Aida Baručija – postavila pet pitanja,
- Rejhana Dervišević – postavila 38 pitanja,

- Denis Zvizdić – uputio inicijativu,
- Sanja Vulić – postavila dva pitanja,
- Ermina Salkićević-Dizdarević – postavila dva pitanja,
- Šemsudin Dedić – postavio dva pitanja i uputio inicijativu.

Do današnje sjednice dostavljeni su sljedeći odgovori:

- na pitanja Saše Magazinovića dostavljeno je 37 odgovora, a jedan odgovor dostavljen je na inicijativu usvojen na njegov prijedlog,
- na pitanja Aide Baručije dostavljena su 73 odgovora,
- na pitanja Rejhane Dervišević dostavljeno je 48 odgovora,
- na pitanja Ermine Salkićević-Dizdarević dostavljena su tri odgovora,
- na pitanja Šemsudina Mehmedovića dostavljeno je pet odgovora,
- po jedan odgovor dostavljen je na pitanja: Sanje Vulić, Šerifa Špage, Jasmina Emrića, Albina Muslića, Safeta Keše, Milana Petkovića i Vlatka Glavaša.

Dobivene odgovore komentirali su Safet Kešo i Šemsudin Mehmedović.

Ad. 3. Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanici Milan Dunović, Zlatan Begić i Vlatko Glavaš, sa zahtjevom za razmatranje Prijedloga zakona po hitnom postupku, u skladu s članom 133. Poslovnika, broj: 01-02-1-2192/23 od 18. 10. 2023.

Predsjedavajući je dao uvodne napomene.

Zahtjev za hitni postupak obrazložio je Milan Dunović. Nije bilo rasprave o zahtjevu za hitni postupak.

„Za“ Zahtjev poslanika Milana Dunovića, Zlatana Begića i Vlatka Glavaša za razmatranje Prijedloga zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini po hitnom postupku, u skladu s članom 133. Poslovnika, glasalo je 25 poslanika (iz Federacije BiH 21, iz Republike Srpske četiri), „protiv“ osam, „suzdržana“ dva poslanika. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom zahtjevu za hitni postupak.

Ad. 4. Izvještaj komisije Kolegija o nastojanju za postizanje saglasnosti o Prijedlogu zakona o vanjskim poslovima Bosne i Hercegovine, predlagač: Vijeće ministara BiH, broj: 01,02-02-1-1786/23 od 26. 9. 2023. (zakon u prvom čitanju)

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, s 23 glasa „za“, 10 „protiv“ (iz Republike Srpske) i pet glasova „suzdržan“, odbio Prijedlog zakona o vanjskim poslovima Bosne i Hercegovine u prvom čitanju.

Ad. 5. Izvještaj komisije Kolegija o nastojanju za postizanje saglasnosti o Prijedlogu zakona o zaključivanju i izvršavanju međunarodnih ugovora, predlagač: Vijeće ministara BiH, broj: 01,02-02-1-1793/23 od 26. 9. 2023. (zakon u prvom čitanju)

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, s 23 glasa „za“, 12 „protiv“ (iz Republike Srpske) i tri glasa „suzdržan“, odbio Prijedlog zakona o zaključivanju i izvršavanju međunarodnih ugovora u prvom čitanju.

Ad. 6. Izvještaj komisije Kolegija o nastojanju za postizanje saglasnosti o Prijedlogu zaključaka poslanika Jasmina Emrića povodom rasprave o interpelaciji poslanika: Šerifa Špage, Edina Ramića, Midhata Čauševića, Šemsudina Dedića, Safeta Keše, Nermina Mandre, Amora Mašovića, Šemsudina Mehmedovića, Denijala Tulumovića, Milana Dunovića, Vlatka Glavaša, Zlatana Begića, Jasmina Emrića i Elvise Hodžić, broj: 01-50-1-1840/23 od 26. 9. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom, u drugom krugu glasanja, nije prihvatio Prijedlog zaključaka poslanika Jasmina Emrića povodom rasprave o interpelaciji poslanika: Šerifa Špage, Edina Ramića, Midhata Čauševića, Šemsudina Dedića, Safeta Keše, Nermina Mandre, Amora Mašovića, Šemsudina Mehmedovića, Denijala Tulumovića, Milana Dunovića, Vlatka Glavaša, Zlatana Begića, Jasmina Emrića i Elvise Hodžić - „za“ je glasalo 20 poslanika, „protiv“ 16 (iz Federacije BiH četiri, iz Republike Srpske 12) i „suzdržana“ dva.

Ad. 7. Izvještaj komisije Kolegija o nastojanju za postizanje saglasnosti o poslaničkoj inicijativi Aide Baručije, Sabine Ćudić i Predraga Kojovića, broj: 01-50-1-1910/23 od 26. 9. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, s 27 glasova „za“, osam „protiv“ (iz Federacije BiH jedan, iz Republike Srpske sedam) i tri glasa „suzdržan“, usvojio poslaničku inicijativu Aide Baručije, Sabine Ćudić i Predraga Kojovića.

Ad. 8. Izvještaj o finansijskoj reviziji izvršenja budžeta institucija Bosne i Hercegovine za 2022. godinu, podnosilac: Ured za reviziju institucija BiH, broj: 01-16-9-2037/23 od 21. 9. 2023.

Nakon uvodnih napomena predsjedavajućeg nije bilo rasprave.

Dom je, s 33 glasa „za“ (iz Federacije BiH 26, iz Republike Srpske sedam), bez glasova „protiv“ i pet glasova „suzdržan“, usvojio zaključke iz Mišljenja Komisije za finansije i budžet koji glase:

1. „Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da pristupe realizaciji preporuka revizije koje su sadržane u tekstu Izvještaja o finansijskoj reviziji izvršenja budžeta institucija Bosne i Hercegovine za 2022. godinu i da Predstavničkom domu Parlamentarne skupštine BiH najkasnije do 1. 6. 2024. dostave informaciju o realizaciji preporuka iz Izvještaja.
2. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da posebnu pažnju posvete jačanju sistema unutrašnjih kontrola u institucijama BiH te da, s ciljem povećanja efikasnosti finansijskog poslovanja i pouzdanosti finansijskih izvještaja, uspostave cjelovit sistem unutrašnjih kontrola kojima će smanjiti rizik od ponavljanja istih grešaka ili pojave novih grešaka u svom finansijskom poslovanju.“

Izvještaj o finansijskoj reviziji izvršenja budžeta institucija Bosne i Hercegovine za 2022. godinu usvojen je s 29 glasova „za“ (iz Federacije BiH 22, iz Republike Srpske sedam), jednim „protiv“ i osam glasova „suzdržan“.

Ad. 9. Izvještaj o izvršenju Budžeta institucija BiH i međunarodnih obaveza BiH za 2022. godinu, podnosilac: Predsjedništvo BiH, broj: 01,02-16-1-1768/23 od 7. 8. 2023.

Nakon uvodnih napomena predsjedavajućeg nije bilo rasprave.

Izvještaj o izvršenju Budžeta institucija BiH i međunarodnih obaveza BiH za 2022. godinu usvojen je s 29 glasova „za“ (iz Federacije BiH 22, iz Republike Srpske sedam), sedam „protiv“ i dva glasa „suzdržan“.

Ad. 10. Izvještaj o radu Ureda za razmatranje žalbi Bosne i Hercegovine za 2022. godinu, broj: 01,02-50-18-1942/23 od 7. 9. 2023.

Nakon uvodnih napomena predsjedavajućeg nije bilo rasprave.

Izvještaj o radu Ureda za razmatranje žalbi Bosne i Hercegovine za 2022. godinu usvojen je s 22 glasa „za“ (iz Federacije BiH 15, iz Republike Srpske sedam), osam „protiv“ i osam glasova „suzdržan“.

Ad. 11. Izvještaj o radu Pravobranilaštva BiH za 2022. godinu, broj: 01,02-50-18-1986/23 od 15. 9. 2023.

Nakon uvodnih napomena predsjedavajućeg nije bilo rasprave.

Izvještaj o radu Pravobranilaštva BiH za 2022. godinu usvojen je s 29 glasova „za“ (iz Federacije BiH 24, iz Republike Srpske pet), osam „protiv“ i jednim glasom „suzdržan“.

Ad. 12. Informacija o stanju u oblasti migracija u Bosni i Hercegovini za prvih šest mjeseci 2023. godine, podnosilac: Ministarstvo sigurnosti BiH, broj: 01-50-18-2042/23 od 22. 9. 2023.

Predsjedavajući je dao uvodne napomene. Nije bilo rasprave.

Predsjedavajući je konstatirao da je Informacija o stanju u oblasti migracija u Bosni i Hercegovini za prvih šest mjeseci 2023. godine primljena k znanju.

Ad. 13. Prijedlog rezolucije o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji, predlagač: Kolegij Predstavničkog doma Parlamentarne skupštine BiH, broj: 01-02-2-2276/23 od 31. 10. 2023.

Predsjedavajući je dao uvodne napomene.

U raspravi su učestvovali: Branislav Borenović, Safet Kešo, Saša Magazinović, Sabina Ćudić, Denis Zvizdić, Mladen Bosić, Jasmin Emrić, Predrag Kožul, Nihad Omerović, Midhat Čaušević, Predrag Kojović, Jasmin Imamović i Zlatan Begić.

Jasmin Emrić predložio je sljedeći zaključak: „Predstavnički dom Parlamentarne skupštine BiH traži od Vijeća ministara BiH da u roku od 30 dana dostavi Predstavničkom domu Informaciju o realizaciji obaveza iz 14 prioriteta iz Mišljenja Evropske komisije o zahtjevu Bosne i Hercegovine za članstvo u Evropskoj uniji, kao i Akcioni plan o ispunjavanju preostalih obaveza radi praćenja evropskog puta i usklađivanja prioriternih zakona s pravnom tečevinom Evropske unije.“

Prijedlog rezolucije o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji usvojen je s 36 glasova „za“ (iz Federacije BiH 25, iz Republike Srpske 11), bez glasova „protiv“ i dva glasa „suzdržan“.

Prijedlog zaključka Jasmina Emrića usvojen je s 27 glasova „za“ (iz Federacije BiH 21, iz Republike Srpske šest), pet „protiv“ i šest glasova „suzdržan“.

Ad. 14. Poslanička inicijativa Nihada Omerovića, broj: 01-50-1-1992/23 od 15. 9. 2023.

Nakon uvodnih napomena predsjedavajućeg u raspravi su učestvovali: Nihad Omerović, Milorad Kojić, Safet Kešo i Sanja Vulić.

„Za“ poslaničku inicijativu Nihada Omerovića glasao je 21 poslanik (iz Federacije BiH), „protiv“ 13, „suzdržana“ četiri poslanika. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenoj poslaničkoj inicijativi.

Ad. 15. Poslanička inicijativa Šerifa Špage, broj: 01-50-1-2249/23 od 27. 10. 2023.

Predsjedavajući je dao uvodne napomene.

U raspravi su učestvovali: Šerif Špage, Jasmin Emrić, Branislav Borenović i Saša Magazinović.

Poslanička inicijativa Šerifa Špage usvojena je s 27 glasova „za“ (iz Federacije BiH 22, iz Republike Srpske pet), 10 „protiv“ i jednim glasom „suzdržan“.

Ad. 16. Prijedlog zaključka o osnivanju privremene istražne komisije u vezi sa iznošenjem obavještajnih podataka ministra odbrane Zukana Heleza, predlagач: poslanici Sanja Vulić i Milorad Kojić, akt broj: 01-50-1-2113-1/23 od 12. 10. 2023.

Nakon uvodnih napomena predsjedavajućeg u raspravi su učestvovali: Sanja Vulić, Milorad Kojić, Saša Magazinović, Darko Babalj, Edin Ramić, Jasmin Imamović i Zlatan Begić.

Prijedlog zaključka o osnivanju privremene istražne komisije u vezi sa iznošenjem obavještajnih podataka ministra odbrane Zukana Heleza nije usvojen – „za“ je glasalo 13 poslanika (iz Federacije BiH jedan, iz Republike Srpske 12), „protiv“ 13, „suzdržanih“ 12.

Ad. 17. Davanje saglasnosti za ratifikaciju Sporazuma o priznavanju stručnih kvalifikacija doktora medicine, doktora dentalne medicine i arhitekata u kontekstu Centralnoevropskog sporazuma o slobodnoj trgovini, broj: 01,02-21-1-2103/23 od 2. 10. 2023.

Nakon uvodnih napomena predsjedavajućeg u raspravi su učestvovali: Darko Babalj, Nenad Grković, Mia Karamehić-Abazović, Nebojša Radmanović i Mladen Bosić.

Predstavnički dom je, s 33 glasa "za" (iz Federacije BiH 26, iz Republike Srpske sedam), jednim "protiv" i četiri glasa "suzdržan", dao saglasnost za ratifikaciju Sporazuma o priznavanju stručnih kvalifikacija doktora medicine, doktora dentalne medicine i arhitekata u kontekstu Centralnoevropskog sporazuma o slobodnoj trgovini.

Ad. 18. Davanje saglasnosti za ratifikaciju Sporazuma o priznavanju visokoškolskih kvalifikacija na Zapadnom Balkanu, broj: 01,02-21-1-2104/23 od 2. 10. 2023.

Nakon uvodnih napomena predsjedavajućeg u raspravi su učestvovali: Darko Babalj, Jasmin Emrić i Saša Magazinović.

Predstavnički dom je, s 33 glasa "za" (iz Federacije BiH 26, iz Republike Srpske sedam), jednim "protiv" i četiri glasa "suzdržan", dao saglasnost za ratifikaciju Sporazuma o priznavanju visokoškolskih kvalifikacija na Zapadnom Balkanu.

Jasmin Emrić predložio je zaključke u vezi s tačkama 17. i 18. dnevnog reda, koji glase:

1. „Predstavnički dom Parlamentarne skupštine BiH traži od Vijeća ministara BiH da Sporazum o slobodi kretanja s ličnim kartama na Zapadnom Balkanu, koji je parafiran u okviru Berlinskog procesa 3. 11. 2022, hitno dostavi Predsjedništvu BiH radi daljnje procedure u skladu sa Zakonom o postupku zaključivanja i izvršavanja međunarodnih ugovora.
2. Predstavnički dom Parlamentarne skupštine BiH poziva Predsjedništvo BiH da Sporazum o slobodi kretanja s ličnim kartama na Zapadnom Balkanu, koji je parafiran u okviru Berlinskog procesa 3. 11. 2022, u skladu sa Zakonom o postupku zaključivanja i izvršavanja međunarodnih ugovora, hitno dostavi Predstavničkom domu radi davanja saglasnosti za ratifikaciju.“

„Za“ prijedlog zaključaka Jasmina Emrića glasala su 23 poslanika (iz Federacije BiH 20, iz Republike Srpske tri), „protiv“ šest, „suzdržanih“ devet poslanika. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zaključaka.

Ad. 19. Davanje saglasnosti za ratifikaciju Ugovora o finansiranju zaključen između Bosne i Hercegovine, Republike Srpske i Evropske investicione banke (Projekat medicinskog kompleksa Banja Luka), Evropski fond za održivi razvoj – EFSD + Namjenski investicioni okvir 1(FI N° 91.071 – SERAPIS 2019-0319), broj: 01,02-21-1-2102/23 od 2. 10. 2023.

Nakon uvodnih napomena predsjedavajućeg u raspravi su učestvovali: Sanja Vulić, Midhat Čaušević, Saša Magazinović, Nenad Grković, Darko Babalj, Zlatan Begić, Šerif Špago i Milorad Kojić.

Predstavnički dom je, s 37 glasova “za” (iz Federacije BiH 26, iz Republike Srpske 11), bez glasova “protiv” i jednim glasom “suzdržan”, dao saglasnost za ratifikaciju Ugovora o finansiranju zaključen između Bosne i Hercegovine, Republike Srpske i Evropske investicione banke (Projekat medicinskog kompleksa Banja Luka), Evropski fond za održivi razvoj – EFSD + Namjenski investicioni okvir 1(FI N° 91.071 – SERAPIS 2019-0319).

Ad. 20. Davanje saglasnosti za ratifikaciju Sporazuma o investicionom grantu za podršku Projektu vodosnabdijevanja i sanitacije u Bosni i Hercegovini u okviru Instrumenta pretpristupne pomoći (IPA II) između Bosne i Hercegovine i Evropske investicione banke, broj: 01,02-21-1-2105/23 od 2. 10. 2023.

Nakon uvodnih napomena predsjedavajućeg nije bilo rasprave.

Predstavnički dom je, s 37 glasova “za” (iz Federacije BiH 26, iz Republike Srpske 11), bez glasova “protiv” i jednim glasom “suzdržan”, dao saglasnost za ratifikaciju Sporazuma o investicionom grantu za podršku Projektu vodosnabdijevanja i sanitacije u Bosni i Hercegovini u okviru Instrumenta pretpristupne pomoći (IPA II) između Bosne i Hercegovine i Evropske investicione banke.

Ad. 21. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M14.1 (BiH)/DC 214 (RH), broj: 01,02-21-1-2141/23 od 6. 10. 2023.


Nakon uvodnih napomena predsjedavajućeg nije bilo rasprave.

Predstavnički dom je, s 37 glasova “za” (iz Federacije BiH 26, iz Republike Srpske 11), bez glasova “protiv” i jednim glasom “suzdržan”, dao saglasnost za ratifikaciju Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M14.1 (BiH)/DC 214 (RH).

Sjednica je završena u 18. 20 sati.

Sastavni dio Zapisnika je transkript 12. sjednice Predstavničkog doma.

SEKRETAR
PREDSTAVNIČKOG DOMA


Marin Vukoja

PREDSJEDAVAJUĆI
PREDSTAVNIČKOG DOMA


Marinko Čavara

